



Republika e Kosovës / Republika Kosova / Republic of Kosova



Komuna e Podujevës / Opština Podujevo / Municipality of Podujeva

Komuna e Podujevës

Nr. 2

Podujevë, datë 09.09.2025

PROCESVERBAL

Nga dëgjimi i parë buxhetor për buxhetin e vitit 2026 të Komunës së Podujevës.

Mbajtur me datë 9 shtator 2025 nga ora 17:00.

Të dhënat e përgjithshme

Ky procesverbal është hartuar në bazë të Ligjit për Vetëqeverisjen Lokale, Ligjit për Mbrojtjen e të Dhënave Personale, Ligjit për Financat Publike, Statutin e komunës së Podujevës dhe duke ndjekur standardet e Udhëzimit Administrativ për Administratë të Hapur në komuna.

Ky procesverbal përmban një përmbledhje të redaktuar të procesit të zhvilluar gjatë dëgjimit buxhetor. Palët që kanë vërejtje në përmbajtjen e këtij procesverbali mund të dërgojnë kërkesë për ndryshim deri me datë 20/09/2025 në emalin fatlum.osmani@rks-gov.net ; liridona.rrahmani@rks-gov.net ose fizikisht në zyrën e pranimit në Komunën e Podujevës.

Ky procesverbal është një dokument publik i cili hartohet sipas standardeve të Ligjit për Mbrojtjen e Privatësisë dhe Ligjit për Klasifikimin e Dokumenteve Zyrtare.

Ky dokument është publik në faqen e komunës në dy versione në PDF dhe Ëord dhe në arkivin e komunës i protokolluar sipas protokollit zyrtarë.

Hartuesi i këtij procesverballi ka redaktuar të dhënat personale të palëve të cilat janë mbledhur gjatë procesit. Vetëm palët e autorizuar mund të kenë qasje në të dhënat personale të mbledhura gjatë këtij procesi të cilat janë të arkivuara në komunë.

Ky dokument përmbanë të dhëna për fazën përgaditore të dëgjimit përmbledhjen na takimi dhe në aneks materialet e bashkangjitura të cilat janë grumbulluar gjatë takimit

Veprimet para nisjes së takimit:

Para nisjes së diskutimit të pranishmit i janë nënshtruar procesit të regjistrimit në listën e pjesëmarrësve. Në listën e pjesëmarrësve ata kanë ofruar emrin mbiemrin, numrin e telefonit dhe nënshkrimin e tyre.

Të dhënat janë grumbulluar me qëllim të sigurimit të dëshmive për pjesëmarrjen e qytetarëve në dëgjimet buxhetore.

Të pranishmit janë pajisur me agjendën e takimit e cila u është dorëzuar në formë fizike dhe me materialet ku përfshihej prezantimi i draft buxhetit i cili është dorëzuar tek secili pjesëmarrës në formë fizike.

Është konstatuar se për organizimin e këtij takimi nuk ka nevojë për përkthyes apo interpret për personat me aftësi të kufizuar.

Zhvillimet gjatë takimit:

Takimi ka nisur në ora 17:15, në dëgjim mori pjesë drejtori i Drejtorisë për Buxhet dhe Financa, Fatlum Osmani. Pjesëmarrës në dëgjim ishin 6 qytetarë.

(Shih aneks Fotografi nga takimi, shih në aneks listën e pjesëmarrësve)

Takimi u hap nga moderatorja. “ Të nderuar banorë të fshatit Dumnicë sot jemi mbledhur në kuadër të procesit të hartimit të buxhetit komunal për vitin 2026.

Ky proces zhvillohet nën patronatin e kryetarit të Komunës, z. Shpejtim Bulliqi dhe ekipit që organizon këto takime i cili është i mandatuar nga kryetar.

Ky takim dhe takimet tjera zhvillohen në kuadër të obligimeve ligjore të ligjit për vetëqeverisjen lokale ligjin për financat dhe rregullores për transparencën komunale.

Takimi që po e mbajmë sot është pjesë e planit të komunës për dëgjimet buxhetore dhe këtij takimi i ka paraprirë dëgjimi për KAB dhe miratimi i qarkores së parë buxhetore. Para se të fillojmë takimin unë iu shpërndava në ulëset e juaja agjendat e këtij takimi dhe materialet dhe ne synojmë që sot të dëgjojmë kërkesat nga ana juaj.

Këto kërkesa do të regjistrohen në procesverbal, ndërsa komuna saktësisht grupi punues do të trajtoj secilës kërkesë veç e veç.

Ju njoftoj se në fund të ciklit të dëgjimeve ne do të hartojmë raportin nga dëgjimet dhe grupi punues do të jap përgjigje dhe arsyetime konkrete për secilën kërkesë tuajën.

Të gjithë ju që jeni prezent sot këtu në muajin shtator mund të lexoni raportin dhe të merrni informacione nëse kërkesa juaj është në buxhet ose jo, për më tepër nëse nuk është adresuar mund të kërkon sërish adresimin e saj në dëgjimin buxhetor që mban Kuvendi i Komunës.

Një informacion tjetër para se të vazhdojmë me agjendën, ju përveç adresimit fizik kërkesat mund t'i dërgoni edhe të shkruara në email-at që i keni të shkruara në agjendë para jush.

Të pranishmit u njoftuan nga moderatori se për qëllime të dokumentimit të këtij takimi do hartohet procesverbali dhe komuna do publikoj video dhe fotografi nga ky takim.

Të gjithë të pranishmit dhanë pajtimin për regjistrimin e takimit dhe publikimin e imazheve nga ky takim.

Pas përfundimit të fjalimit të moderatorit fjala ju dha drejtorit Osmani

“Përsëritje për të gjithë, mirë se keni ardh në këtë takim publik lidhur me planifikimin e buxhetit të vitit 2026, dhe për projeksionet buxhetore për vitin 2027 dhe 2028, sot jemi këtu në fshatin Dumnice në mënyrë që të bashkëbisedojmë me juve, të marrim kërkesat dhe prioritetet të cilat i ka fshati Dumnice, dhe për atë që është e mundur dhe na lejojnë mundësitë buxhetore t’i inkuadrojmë në buxhetin e vitit 2026, dhe ato të cilat nuk kemi mundësi t’i inkuadrojmë në projeksionet 2027 apo edhe në 2028. Komuna e Podujevës e ka të hartuar Kornizën Afatmesme Buxhetore, dokument i cili është i publikuar edhe në ueb faqen zyrtare të komunës, dhe aty janë të paraqitura projektet të cilat janë të planifikuara, dhe sigurisht që ato janë bazë për ne, por sigurisht që ne e kemi të drejtën ligjore që bashkë me ju deri në aprovimin e saj në asamblenë komunale të buxhetit t’i bajmë ndryshimet e nevojshme kudo ne bashkërisht e shohim të nevojshme dhe të arsyeshme. Po ju ndaj disa informata të rëndësishme dhe të shkurta, buxheti i komunës për vitin 2026 është 34,778,000.00 ku 19 milionë janë paga, 3.5 janë mallra, 1.8 janë subvencione, 8 mil e 758 mijë janë investime kapitale, kjo është në bazë të qarkores së lëshuar nga ministria e financave në kuadër të limiteve.

Ne si komunë duhet të iu përmbahemi dhe në kuadër të këtyre limiteve të planifikojmë prioritetet tona (projektet) për me u realizu në vitin 2026. Edhe në vitin 2026 vazhdojnë me qenë prioritet disa sektorë si arsimit, shëndetësia, kultura, ekonomia. Vlen të ceket që në vitin 2026 në Komunën e Podujevës kemi 2.4 mil euro në fushën e arsimit, kjo tregon që është një sektor i prioritetit, normalisht që vazhdojnë investimet edhe në infrastrukturën rrugore si dhe në shërbime tjera publike, sic është kanalizimi, ndërtimi i trotuareve, ndriçimi dhe çështje të tjera. Unë kisha dashtë me kalu fjalën të ju, në mënyrë që bisedojmë lidhur me buxhetin e vitit 2026, fjala është për juve” përfundoi drejtori Osmani.

Kërkesat e qytetarëve në dëgjim:

Besiana Beqiri:

1. Lagjia “Azem Beqiri” nuk ka ujë, a mundet komuna të na ndihmojë pasi që nuk ka çasje fare në ujësjellës?

Atdhetare Zymeri:

1. Kërkesë gjithashtu për tu kyçur në ujësjellës edhe lagjia ime, pasi që nuk kemi furnizim me ujë.
2. Kërkesë tjetër është ndriçimi në lagjen time nuk ka, a mundeni me shtri ndriçimin në këtë pjesë të fshatit, saktësisht në rrugën “Maliq Zymeri”

Bajram Miftari:

1. Kërkesë për të shtruar rrugën me zhavor (kam një stallë dhe është shumë e nevojshme për mua si blegtor të kem një infrastrukturë më të mirë).

Përfundimi

Në fund të takimit palët janë njoftuar se dëgjimet buxhetore do vazhdojnë sipas kalendarit të paraparë dhe poashtu janë njoftuar se komnetet mund ti dërgojnë të shkruara në emaillat e komunës liridona.rrahmani@rks-gov.net dhe fatlum.osmani@rks-gov.net.

Takimi u mbyll në ora 18:00.

Në këtë takim kontribuan me pjesëmarrje 6 persona, më gjithësej 4 kërkesa të regjistruara.

Shtojcë – Tabela e pjesëmarrësve të ndarë sipas gjinisë.

Gra	2
Burra	4
Totali	6

Procesmbajtësja,

Liridona Rrahmani

Foto 1.2 dhe 3 gjatë mbajtjes së takimit.

Listat e pjesëmarrësve







Republika e Kosovës / Republika Kosova / Republic of Kosovo



Komuna e Podujevës / Opština Podujevo / Municipality of Podujeva

Lista e pjesëmarrësve të fshatit Dumnice me rrethinë në dëgjimin publik buxhetor për vitin 2026

	Emri dhe mbiemri	Vendbanimi	Nënshkrimi
1.	BESIANA BEQIRI	DUMNICE	
2.	Atdhetare Zymçeri	Dumnice	
3.	PAJRAM KIFTARI	DUMNICE	
4.	KOVASS KROCI	KFOR LMT	
5.	ASDREU LUGOLI	SURKESH	
6.	Lindona Bushmani	Hadoci	
7.			
8.			
9.			
10.			
11.			
12.			
13.			
14.			
15.			
16.			
17.			
18.			
19.			
20.			
21.			
22.			
23.			
24.			
25.			
26.			
27.			
28.			
29.			
30.			

Me nënshkrimin tim në listën e Komunës, konfirmoj se Komuna mund t'i përdorë kontaktet e ofruara nga ana ime për të më dërguar njoftime periodike lidhur me ngjarje që janë në interes publik.

Po ashtu, me nënshkrimin tim konfirmoj se autoritetet komunale kanë të drejtë të regjistrojnë takimin për qëllime të hartimit të procesverbalit, si dhe të publikojnë fotografi dhe materiale video nga këto takime, në funksion të transparencës.

Dumnicë, Podujevë; 09.09.2025

